

Lou festin es degià plen d'un monde en finit ;
De gouorba de ciaudeù pareisse ben garnit,
295 E l'archet campagnart, soubre de couorda frusti,
Grafigna a rabaton de nota non troù giusti.
En fen de richichi s'avanson lu paisan,
Fan tres o catre saut, e la gigiola en man,
Voughés o non voughés, che sighe mouola o reda,
300 La si coù laissà metre, e sourti de moneda.
Pertout trouvas de gen, cu dreç, cu assetat.
Lu mousseù de giambon, e de roustit gelat
Parton, ch'es un plesi, e Bachus, e l'Ostessa
Su toui lu festinié fan ploùre l'alegresa.
305 La verdura dai camp li sierve de taulié ;
Si ve sent group fourmat souta dai aulivié :
Aissì vira la brocia, ajà, la casserola
Manda, de fricassada, un audou che consouola.
De gigot casi crut, de poulas bourousclat,
310 Tout es bouon, tout si vende, e tout es avalat.
Pertout s'aude un remon, che l'alegresa enfanta ;
De tout coustà si ri, de tout coustà si canta,
E l'amant cauche fes ha deugut au festin
Un regart de la bela, un plus urous destin.